



Broj predmeta: 13-001783/20
Broj akta: 01.1-1413EK-0055/21
Datum, 10.5.2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka e) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom komisije za javne nabavke broj:13-001783/20 od 10.5.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za lotove 2 i 3 za nabavku hrane i pića za potrebe odjeljenja i institucija – lotovi 1-6, koji je pokrenut na osnovu Odluke o pokretanju postupka javne nabavke broj: 13-001783/20 od 09.07.2020.godine i Obavještenja o nabavci broj: 1157-1-1-415-3-378/20 objavljenom dana 21.07.2020. godine, specifikacije robe u vezi sa Tenderskom dokumentacijom broj: 13-001783/20,

za Lot 2 iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke,

za Lot 3 iz dokazanih razloga koji su izvan kontrole ugovornog organa a koji se nisu mogli predvidjeti u vrijeme pokretanja postupka javne nabavke, što prema članu 69. stav (3) Zakona o javnim nabavkama predstavlja osnov za poništenje postupka javne nabavke

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Nakon donošenja Rješenja Ureda za žalbe u Sarajevu kojim je poništena Odluka o izboru najpovoljnijeg ponuđača, komisija za nabavke je izvršila ponovnu analizu dostavljenih ponuda. Ponuda ponuđača „Bogičević Comerc“ d.o.o. Brčko je dostavio ponudu za 6 lotova koja je uvezana u jednu cjelinu i osigurana jamstvenikom, a što nije u skladu sa tačkom 4.3. tenderske dokumentacije. Ponuđač je ocijenjen kao nekvalifikovan. Ponuđač „Primaprom“ d.o.o. Banja Luka je dostavio ponudu u skladu sa tačkom 4.3. tenderske dokumentacije - ponuda je dostavljena za svaki lot posebno, uvezana za svaki lot posebno i upakovana u posebnu kovertu za svaki lot. Kvalifikaciona dokumentacija je dostavljena uz ponudu za prvi lot, što je u u svemu u skladu sa tačkom 4.3. b) tenderske dokumentacije. Ponuđač „Inter-Com“ d.o.o. Zenica je dostavio svoju ponudu u skladu sa tačkom 4.3 tenderske dokumentacije - ponuda je dostavljena za svaki lot posebno, uvezana za svaki lot

posebno i upakovana u posebnu kovertu za svaki lot. Kvalifikaciona dokumentacija je dostavljena uz ponudu za prvi lot, što je u skladu sa tačkom 4.3. b) tenderske dokumentacije.

Ponudač „Primaprom“ d.o.o. Banja Luka nije dokazao da ispunjava uslove za primjenu preferencijalnog tretmana domaćeg, jer je dostavio Potvrdu Privredne komore RS za lot 1 što nije u skladu sa tačkom 4.9. tenderske dokumentacije. Ugovorni organ je definisao koji dokument treba dostaviti a to je bila potvrda Vanjskotrgovinske komore BiH.

Svi kvalifikovani ponuđači su dostavili ponudu u skladu sa zahtjevima iz tehničke specifikacije i tenderske dokumentacije tako da su ocijenjene kao prihvatljive. Izvršena je računska kontrola i ustanovljeno je postojanje računskih greški u dostavljenim ponudama ponuđača „Primaprom“ d.o.o. Banja Luka, „Bogičević Comerc“ d.o.o. Brčko i „Inter-Com“ d.o.o. Zenica koji su dostavili saglasnost za ispravku. Upućen je zahtjev za pojašnjenje neprirodno niske cijene ponude za lotove 3, 4 i 6 ponuđača „Inter-Com“ d.o.o. Zenica koji je dostavio pojašnjenje koje je i prihvaćeno. Izvršena je e-aukcija i nije došlo do promjene cijena i najpovoljnijeg ponuđača u odnosu na početnu cijenu koja je pročitana na otvaranju ponuda. Na osnovu svega navedenog, Komisija za nabavke je dala preporuku o izboru najpovoljnijeg ponuđača za zaključenje okvirnog sporazuma za lotove 1, 4, 5 i 6 i to na iznos procijenjene vrijednosti sa uračunatim PDV-om dok je za lotove 2 i 3 dostavljena preporuka o poništenju postupka javne nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Gradonačelniku,
3. Policiji,
4. Odjeljenju za poljoprivredu, šumarstvo i vodoprivredu,
5. Pravosuđu Brčko distrikta BiH,
6. Odjeljenju za obrazovanje,
7. Ponuđačima,
8. „Službenom glasniku Brčko distrikta BiH“
9. Arhivi.



GRADONAČELNIK

Esed Kadrić